

CONSELLERÍA DE EDUCACIÓN E ORDENACIÓN UNIVERSITARIA

Orde do 3 de maio de 2004 pola que se autoriza o cambio de denominación do CEIP de Lalín (Pontevedra).

Tendo en conta o artigo 8 punto 1º do anexo do Decreto 374/1996, do 17 de outubro, polo que se aproba o Regulamento das escolas de educación infantil e dos colexios de educación primaria (DOG do 21 de outubro), así como os correspondentes informes, por proposta da Dirección Xeral de Centros e Ordenación Educativa, esta consellería

DISPÓN:

Autorizar o cambio de denominación do colexio que no anexo se relaciona.

Santiago de Compostela, 3 de maio de 2004.

Celso Currás Fernández

Conselleiro de Educación e Ordenación Universitaria

ANEXO

Provincia: Pontevedra.

Concello: Lalín.

Localidade: Lalín.

Código do centro: 36004101.

Denominación: Colexio de Educación Infantil e Primaria de Lalín.

Nova denominación: Colexio de Educación Infantil e Primaria Xesús Golmar.

Orde do 4 de maio de 2004 pola que se autoriza o cambio de denominación do CEIP de Rubiá (Ourense).

Tendo en conta o artigo 8 punto 1º do anexo do Decreto 374/1996, do 17 de outubro, polo que se aproba o Regulamento das escolas de educación infantil e dos colexios de educación primaria (DOG do 21 de outubro), así como os correspondentes informes, por proposta da Dirección Xeral de Centros e Ordenación Educativa, esta consellería

DISPÓN:

Autorizar o cambio de denominación do colexio que no anexo se relaciona.

Santiago de Compostela, 4 de maio de 2004.

Celso Currás Fernández

Conselleiro de Educación e Ordenación Universitaria

ANEXO

Provincia: Ourense.

Concello: Rubiá.

Localidade: Rubiá.

Código do centro: 32011901.

Denominación: Colexio de Educación Infantil e Primaria de Rubiá.

Nova denominación: Colexio de Educación Infantil e Primaria Virxe do Camiño.

Corrección de erros.-Orde do 5 de maio de 2004 pola que se resolve o concurso público convocado na Orde do 5 de decembro de 2003, pola que se regula a concesión de subvencións a asociacións e institucións privadas sen fin de lucro para fomentar o uso social da lingua galega.

Advertidos erros na devandita orde, publicada no DOG nº 93, do 14 de maio de 2004, cómpre efectuar as oportunas correccións:

Na páxina 6.825, expediente nº 2004/000452-0, onde di: «por ter escaso ou nulo contido en galego», deberá dicir: «non acadar suficiente prioridade».

Na páxina 6.835, expediente nº 2004/001197-0, onde di: «base B: actividades de dinamización sobre filatelia», deberá dicir: «base B: actividades de dinamización».

Orde do 24 de maio de 2004 pola que se modifica a oferta de ciclos formativos, por ciclo completo, en centros públicos da Comunidade Autónoma de Galicia.

A Lei orgánica 1/1981, do 6 de abril, pola que se aprobou o Estatuto de autonomía de Galicia, e o Real decreto 1763/1982, do 24 de xullo, sobre o traspaso de funcións e servizos da Administración do Estado á Comunidade Autónoma de Galicia en materia de educación, recoñécenlle á nosa Comunidade Autónoma as competencias en materia de planificación, regulación e administración do ensino regrado en todos os niveis e graos, modalidades e especialidades, de acordo cos preceptos emanados da Constitución e das leis que lle sexan de aplicación, competencias que foron asumidas polo Decreto 114/1982, do 1 de setembro e asignadas á Consellería de Educación e Ordenación Universitaria no seu artigo 2.

No marco destas competencias e da Lei orgánica 1/1990, do 3 de outubro, de ordenación xeral do sistema educativo, a Consellería de Educación e Ordenación Universitaria, co propósito de actualizar a cualificación dos cidadáns, persegue como un dos obxectivos básicos para a formación profesional e as artes aplicadas e deseño o de lles dar unha resposta puntual e axeitada aos requirimentos de formación profesional provenientes do mundo productivo.

O Decreto 88/1999, do 11 de marzo (DOG do 13 de abril), polo que se regula a ordenación xeral das ensinanzas de educación de persoas adultas e os requisitos mínimos dos centros, establece no artigo 5 que a Consellería de Educación e Ordenación Universitaria adecuará as ensinanzas de formación profesional ás peculiaridades e características das persoas adultas.

Así mesmo, o Plan Galego de Formación Profesional, aprobado polo Consello da Xunta de Galicia o día 27 de xuño de 2001, considera a cualificación profesional dos cidadáns como unha medida esencial para darlles resposta ás necesidades do tecido produtivo, o que redundará nun aumento da empregabilidade e facilitará a libre circulación das persoas nas mesmas condicións de competitividade profesional que as dos países máis avanzados do noso contorno.

Neste contexto, a necesidade de manter en todo momento actualizada a oferta educativa dos centros xustifica a súa revisión periódica de xeito que o alumnado que remata o ensino secundario obrigatorio e as diferentes modalidades de bacharelato, así como as persoas adultas, posúan unha oferta de ciclos formativos de graos medio e superior diversificada e adaptada as súas necesidades e ás demandas do mercado laboral.

De acordo co Decreto 454/2003, do 26 de decembro (DOG do 19 de xaneiro de 2004), polo que se establece a estrutura orgánica da Consellería de Educación e Ordenación Universitaria, tendo en conta o informe da Dirección Xeral de Formación Profesional e Ensinanzas Especiais e de conformidade

coa proposta da Dirección Xeral de Centros e Inspección Educativa, esta consellería

DISPÓN:

Primeiro.-Autorizar a implantación dos ciclos formativos en réxime ordinario, por ciclo completo, nos centros relacionados no anexo I, a partir do curso 2004-2005.

Segundo.-Suprimir os ciclos formativos polo réxime ordinario e para as persoas adultas, por ciclo completo, nos centros relacionados no anexo II, a partir do curso 2004-2005.

Terceiro.-Requirirase un mínimo de 10 alumnos para poder impartir os ditos ciclos formativos, non contabilizándose para estes efectos o alumnado repetidor. Un número menor de alumnos exige a autorización expresa da Dirección Xeral de Formación Profesional e Ensinanzas Especiais para poñer en funcionamento esta ensinanza, non podendo, mentres tanto, formalizar ningunha matrícula. Esta condición do número mínimo de alumnos debe ser posto en coñecemento dos interesados no momento da súa preinscripción.

Disposicións derradeiras

Primeira.-Autorízanse as direccións xerais de Formación Profesional e Ensinanzas Especiais, de Centros e Ordenación Educativa e de Persoal para tomar as medidas precisas para a execución desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 24 de maio de 2004.

Celso Currás Fernández

Conselleiro de Educación e Ordenación Universitaria

ANEXO I

Concello	Código	Centro	Código	Ciclo
Cariño	15021755	IES Cabo Ortegal	CM14001	CM Explotación de sistemas informáticos
Coruña, A	15005397	IES Fernando Wirtz Suárez	CM14001	CM Explotación de sistemas informáticos
A Coruña	15024513	IES Someso	CS08001	CS Desenvolvemento e aplicación de proxectos de construción
A Coruña	15024513	IES Someso	CS08002	CS Desenvolvemento de proxectos urbanísticos e operacións topográficas
A Coruña	15024513	IES Someso	CS08003	CS Realización e plans de obra
Coruña, A	15022607	IES Ánxel Casal-Monte Alto	CM20001	CM Atención sociosanitaria
Coruña, A	15022607	IES Ánxel Casal-Monte Alto	CS19011	CS Audioprótese
Coruña, A	15027770	IES A Sardiñeira	CS18006	CS Industrias de proceso químico
Ferrol	15006778	IES Rodolfo Ucha Piñeiro	CM14001	CM Explotación de sistemas informáticos
Rianxo	15026807	IES Félix Muriel	CS06002	CS Xestión comercial e márketing
Santiago de C.	15015767	IES Monte de Conxo	CS10001	CS Construcións metálicas
Santiago de C.	15021482	IES San Clemente	CM14001	CM Explotación de sistemas informáticos
Zas	15027368	IES Maximino Romero de Lema	CM14001	CM Explotación de sistemas informáticos
Guitiriz	27016200	IES de Guitiriz	CS04001	CS Administración e finanzas
Monforte de Lemos	27007260	CFEA de Monforte de Lemos	CM01005	CM Explotacións gandeiras
Ribadeo	27010921	CFEA Pedro Murias	CM01005	CM Explotacións gandeiras
Ourense	32008902	IES A Carballeira	CM14001	CM Explotación de sistemas informáticos
Ourense	32009131	IES Universidade Laboral	CS17002	CS Mantemento de equipamento industrial
Cangas	36019475	IES de Rodeira	CS09004	CS Sistemas de telecomunicación e informáticos

Concello	Código	Centro	Código	Ciclo
Gondomar	36020261	IES Terra de Turonio	CM02001	CM Condución de actividades físicodeportivas no medio natural
Lalín	36013758	IES Laxeiro	CS17002	CS Mantemento de equipamento industrial
Marín	36015159	IES Chan do Monte	CM14001	CM Explotación de sistemas informáticos
Neves, As	36019402	IES Pazo da Mercé	CM14001	CM Explotación de sistemas informáticos
Redondela	36019566	IES de Chapelá	CM20001	CM Atención sociosanitaria
Vigo	36011634	IES Politécnico	CS08003	CS Realización e plans de obra
Vigo	36011634	IES Politécnico	CS17002	CS Mantemento de equipamento industrial
Vigo	36011634	IES Politécnico	CS17004	CS Prevención de riscos profesionais

ANEXO II

Concello	Código	Centro	Réxime	Código	Ciclo
Cee	15003224	IES Fernando Blanco	Ordinario	CS09001	CS Instalacións electrotécnicas
Coruña, A	15022607	IES Ánxel Casal-Monte Alto	Ordinario	CS08003	CS Realización e plans de obra
Coruña, A	15005397	IES Fernando Wirtz Suárez	Ordinario	CS08001	CS Desenvolvemento e aplicación de proxectos de construción
Coruña, A	15005397	IES Fernando Wirtz Suárez	Ordinario	CS08002	CS Desenvolvemento de proxectos urbanísticos e operacións topográficas
Ferrol	15006778	IES Rodolfo Ucha Piñeiro	Adultos	DM04001	DM Xestión administrativa
Rianxo	15026807	IES Félix Muriel	Ordinario	CM06001	CM Comercio
Zas	15027368	IES Maximino Romero de Lema	Ordinario	CM06001	CM Comercio
Mondoñedo	27006966	IES San Rosendo	Ordinario	CM15001	CM Fabricación á medida e instalación de carpintería e moble
Monforte de Lemos	27015311	IES A Pinguela	Ordinario	CM06001	CM Comercio

Orde do 24 de maio de 2004 pola que se modifica a oferta modular de ciclos formativos, polo réxime de persoas adultas, en centros públicos da Comunidade Autónoma de Galicia para o curso 2004-2005.

A Lei orgánica 1/1981, do 6 de abril, pola que se aprobou o Estatuto de autonomía de Galicia, e o Real decreto 1763/1982, do 24 de xullo, sobre o traspaso de funcións e servizos da Administración do Estado á Comunidade Autónoma de Galicia, en materia de educación, recoñécenlle á nosa Comunidade Autónoma as competencias en materia de planificación, regulación e administración do ensino regrado en todos os niveis e graos, modalidades e especialidades, de acordo cos preceptos emanados da Constitución e das leis que lle sexan de aplicación, competencias que foron asumidas polo Decreto 114/1982, do 1 de setembro, e asignadas á Consellería de Educación e Ordenación Universitaria no seu artigo 2.

No marco destas competencias e da Lei orgánica 1/1990, do 3 de outubro, de ordenación xeral do sistema educativo, a Consellería de Educación e Ordenación Universitaria, co propósito de actualizar a cualificación dos cidadáns, persegue como un dos obxectivos básicos para a formación profesional o de lles dar unha resposta puntual e axeitada aos requirimentos de formación profesional provenientes do mundo produtivo.

A Lei orgánica 10/2002, do 23 de decembro, de calidade da educación, establece no seu artigo 7.6º que o sistema educativo garantirá que as persoas

adultas poidan adquirir, actualizar, completar ou ampliar os seus coñecementos para o seu desenvolvemento persoal e profesional.

O Decreto 88/1999, do 11 de marzo (DOG do 13 de abril), polo que se regula a ordenación xeral das ensinanzas de educación de persoas adultas e os requisitos mínimos dos centros, establece no artigo 5 que a Consellería de Educación e Ordenación Universitaria adecuará as ensinanzas de formación profesional ás peculiaridades e características das persoas adultas.

Así mesmo, o Plan Galego de Formación Profesional considera a cualificación profesional dos cidadáns como unha medida esencial para lles dar resposta ás necesidades do tecido produtivo, o que redundará nun aumento da empregabilidade e facilitará a libre circulación das persoas nas mesmas condicións de competitividade profesional que as dos países máis avanzados do noso contorno.

A Consellería de Educación e Ordenación Universitaria presenta a oferta de ciclos formativos para as persoas adultas, por módulos soltos, sendo consciente de que esta modalidade facilita a cualificación profesional, xa que ofrece a posibilidade de abordar a realización dun ciclo formativo en máis tempo e cun horario vespertino, e permite dar resposta ás demandas que suscitan o mercado laboral ou os colectivos específicos. Para realizalo, dunha maneira máis áxil e eficaz, en función das necesidades que vaian xurdindo, é aconsellable que a autorización dos ciclos formativos, por módulos soltos, se realice con carácter anual para cada curso académico.